


Hansi pa e svedicko gymnasium



Skolverket

Sa e ternimata ando Svedo so agorisarde e grundoski skola (klasa 1–9) si len chachimos te piren ande trine bershengi gymnasie skola. Edukatcia so o gymnasium del si jek lashimos maj angle haj del jek lashio grundo pe buci maj angle, pe studie maj angle, personalno zuralimos haj te avel o manush aktivno ando them.



18 nationalne programura

Skolako zakono si das ande zor 1 juli 2011 mothol ke sa e skoli si pe jek nevelo, privatni haj e kommunalne si pe jek than.

Si 18 nationalle programura ane gymnasium, 12 si angla buciake programura haj 6 si lasharimos angla maj bare studier. Sa le programura ando gymnasium si pe trin bersh.

Pala e buciake programura si e studentura te aven lasharde te birin te djan ande buci te keren buci haj e edukatcia si te inkrel baro kvaliteto te kerel te aven e studentura lashie ande kodjia buci. E studentura si te birin te djan pala skola ande buci pala e edukatcia. Sa e studentura so nakle buciake programura dashtin vi te len sitciarimos te aresen opre kote te avel len grundosko djanglimos te len högskolebehörighet – te birin te aresen opre kaj maj bari skola. Te aresel kote o studento musaj kodja studento te alosarel kursura so del len kodja djanglimos te aresn kaj o bari skola (högskola).

Pala kodja kursura si e studentura te aven preparime pe maj bari skola.

Pasha kadja si inke pansh introdukciake programura e studentonge so naj len dosta but djanglimos te den andre ande jek nationalno programo. Introduciake programura si te lashiaren e studenton ande varisavo ande kadja 18 nationalne programura vaj ande buci.

Pe vuni skoli si kaver edukatci so si maj kaver sar e nationalne programura: special variantura, edukatcia so len studenton pa intrego them haj nationalne pindjarde sportoske edukatci (NIU).

Musajimos (behörighetskrav) kaj gymnasium

Musajimos pe gymnasium si differentno mashkar differentne buciake programura haj pe programura so si lasharimos pe maj bare skoli.

Te des andre pe jek nationalno programo. Te si kadja buciako programo vaj lasharimos pe maj bari skola musaj o studento te nakel perdal e skolake bucia sar svedicko vaj svedicko sar dujto chib, englishitsko haj matematik.

Pe buciake programura trobul inke pash bucia te aven nakade perdal, totalno pe kadal programura musaj ohto skolake bucia te aven nakade.

Pe programura so si jek lasharimos pe maj bari skola trobul inke inja bucia te aven nakade, totalno deshoduj skolake bucia te aven nakade.

Pe ekonomi- haj samhällsvetenskapsprogrammet haj pe humanistiska programmet si shtar anda e inja te aven nakade ande geografi, historia, samhällskunskap haj religionskunskap.

Pe naturvetenskaps- haj teknikprogrammet si trin anda e kaver inja nakade bucia te aven biologi, fysik haj kemi. Pe estetiska programmet dashtis korkoro te alosares save inja bucia te aven nakade perdal korkori.

Pe vuni edukatci andral e estetiska buci, spetsedukatci haj idrottsprogram (sportoske), dashtil pe inke te avel kaver musajimos haj vunivar vi kaver testuri.

Kursura haj skolake buciake planura

Svedoski gymnasium si formovano pala kursura. Kodja znacil pe pe e studentura ginen jek vaj maj but kursura andral ande skolake bucia haj so si andre ande koja programura. Maj but anda kadja kursura so pe 100 poäng si ginadjiol pe sar shtar kurke studjia. Gymnasium skolake bucia haj e differentne kursura inkren vi differentne skolanke testura pe studentongo djanglimos haj kodja sikavel so e studentura sitcile ande skola.

Ocenaki skala

Ocenaki skala inkrel pe katar A–F, kote si A maj zurali ocena haj E e maj cini so nakel e buci. F chi nakavel e buci (naj dosta). Studento lel oceni pala svako kurso so agorij pe. Nationale testi po djanglimos si ande e oceni E, C haj A.

Struktura pe programura

E **gymnasimuse jekutne bucia** si bucia so sa e studentura ande gymnasium ginen. Kodjal si englishitsko chib, historia, sport haj sastimos, matematik, naturkunskap (djanglimos pa natura), religionskunskap (djanglimos pa religia), samhällskunskap (djanglimos pa them) haj svedicko vaj svedicko chib sar dujto chib. E studentura sitcion kadal jekutne bucia pe sa gymnasium differentno ande e differentne programura.

Pasha kadja jekutne bucia si vi kaver jekutne bucia so si ferdi pe **programoske jekutne bucia**, so si svako studentos si pirel pe special program. Kodja vazdel opre e programos haj lako lashimos.

Ande svako jek programo si differentno boldimos so dashtil pe te alosaren, ferdi na ando vård- haj omsorgsprogrammet (pa sastimos haj bolnicia). Pashe si inke ande svako programo differentne kursura so dashtil pe te sitjiol pe maj but djanglimos ande kodja programo. Ande svako edukatcia si vi jek buci so bushiol individuellt val (jek individuellno alosarimos ande jek skolaki buci).

Ande **individuella valet – individuellno alosarimos** pe buciako programo si e skola te del kursura so trobul e studenton te birin e studentura te len o djanglimos te len o högskolebehörighet – kvalifikatcia pe maj bare skoli. Pe svako programo si te dashtin e studentura te ginen maj cerra jek estetisk kurso haj maj cerra jek kurso ando sporto haj sastimos ando individuellno alosarimos - individuella valet.

Ande edukatcia pe sa programura si vi jek buci po gymnasium so busiol **gymnasiearbete**, kadja si jek buci so sikavel sa so sas ande intrego edukatcia po gymnasium. Kadi buci Gymnasiearbetet musaj te avel nakadi te dashtil o studento te lel peski examina anda skola.



Sitciarimaski edukatcia – Lärlingsutbildning

Andral ande buciake programura dashtil pe vi te alosarel pe jek sitciarimaski edukatcia pa gymnasium. Jek studento so alosarel te djal pe kadja sitciarimaski edukatcia pirl maj but vrama anda edukatcia pe jek vaj maj but buciake thana. Pe kadja edukatcia si sa kodja cello haj djanlimaske musajimos sar e edukatci so si pe skoli. splatser.

Te zurarel pe e koperatcia mashkar e gymnasium skolake buciake programura haj mashkar e bucia si kote nationallne haj lokalne programoske consilji.

Duj tipura examina

Jek studento si agorisarda jek programo po gymnasium dashtil te lel jek examina katar o gymnasium.

Te lel pe jek **buciaki examina – yrkesexamen** si o studento te ginel 2500 poäng haj 2250 si te aven nakade. Studento si te nakel svedicko 1, vaj svedicko sar dujto chib1, anglishitsko 5 haj matematika 1. Jek kaver musaj si te avel e studentos nakade 400 poäng ande e jekutne bucia ande e programoske bucia haj te avel jek nakado gymnasiearbete. Studento dashtil te lel jek buciako examino – yrkesexamen vi pa sitciari-maski edukatcia haj pa skolaki buciaki edukatcia.



Te lel pe jek **skolako examina pe maj bari skola – högskoleförberedande examen** si o studento te ginel 2500 poäng haj 2250 si te aven nakade. Studento si te nakavel svedicko 1, 2 haj 3 vaj svedicko sar dujto chib 1, 2 haj 3, anglishitsko 5 haj 6 haj matematika 1. Pasha kodja si o studento te nakavel o gymnasiearbete.

Kana lel pe kadi examina, lel pe dashtimos te rodel pet han pe maj bari skola -högskolan.

Gin maj but sar te lel pe kadja po www.skolverket.se tela Förskola & skola. Pala kodja Gymnasieutbildning.

Jek buciaki examina haj nakade bucia ande svedicko 2 3 vaj svedicko sar dujto chib 2 haj 3 haj anglishitsko 6 del jek grundosko dashtimos kaj högskolebehörighet.

Sa studentura pe buciake programura dashtin te ginen po dujto e kursura te chi nakade kodja kursura te avel len dashtimos te naken pe maj bare skoli – högskolebehörighet.

Pasha kadja trobul inke kaver nakade bucia so trobul te avel pe kodla special kursura, haj kodja bushiol specialno inkerimos – särskild behörighet.

Jek studento so chi naklas perdal e skolake bucia te lel jek examina si te lel jek ram so sikavel ke kodja studento pirelas ande skola jek studiaki evidencia – studiebevis.

Entreprenorimos

Entreprenorimos – Entreprenörskap si te avel andre ande gymnasie sola intrego vrama. Pe svako programo dashtim e studentura te len maj but djanglimos ande entreprenorimos.

Jek kotor ande Europa

E svedicko gymnasium si jek kotor anda e europake kvalifikatciake systemura. Cello si te birin e citizentura te traden mashkar e thema haj te avel maj vushoro o lungo sitciarimos ando trajo.

Maj phurengi edukatcia – Vuxenutbildningen

Maj phurengi edukatcia – Vuxenutbildningen si te inkrel pe pala o sitciarimos haj djanglimaske testi so si ando gymnasium. Pashe si e maj phurengi edukatcia te avel maj flexibelno pala o maj phure studentura.



Le 18 programura

Buciake programura

- Barn- och fritidsprogrammet (djanglimos pa glati)
- Bygg- och anläggningsprogrammet (djanglimos pa konstrukcia)
- El- och energiprogrammet (djanglimos pa energia)
- Fordons- och transportprogrammet (djanglimos pa vurdona haj transporto)
- Handels- och administrationsprogrammet (djanglimos pa handlo)
- Hantverksprogrammet (djanglimos pa vaseski buci)
- Hotell- och turismprogrammet (djanglimos pa hotell haj turismo)
- Industritekniska programmet (djanglimos pa industria)
- Naturbruksprogrammet (djanglimos pa natura)
- Restaurang- och livsmedelsprogrammet (djanglimos pa restaurang haj habe)
- VVS- och fastighetsprogrammet (djanglimos pa vvs haj kera)
- Vård- och omsorgsprogrammet (djanglimos pa sastmos haj bolnacia)

Lasharimos angla bare skolake programura

- Ekonomiprogrammet (djanglimos pa ekonomia)
- Estetiska programmet (djanglimos pa estetik)
- Humanistiska programmet (djanglimos pa humanismo)
- Naturvetenskapsprogrammet (matematika, fysika, kemi, biologi)
- Samhällsvetenskapsprogrammet (djanglimos pa them haj struktura)
- Teknikprogrammet (djanglimos pa teknik)

Introduktciake programura

Pansh differentne introduktciake programura si te den nevo dashtimos kodjale studentonge so chi nakel perdal e skola. Pa kadal programura dashtil o studento te nakel pe jek nationalno programo, vaj te avel lashiaro pe buciako marketi vaj te djal ande kaver edukatcia.

E pansh introduktciake programura si

- Preparandutbildning (te lashiael e studentos pe jek nationalno programo)
- Programinriktat individuellt val (te lashiael e studentos pe jek nationalno buciako programo)
- Yrkesintroduktion (te lashiael e studentos pe buciako programo)
- Individuellt alternativ (te lashiael pe jek buciaki intrudukcia vaj kaver edukatcia)
- Språkintruduktion (te lashiael e svedicko chib te deshtin e studentura te piren ande skola)



ISBN: 978-91-86529-89-5
Graficno forma: AB Typoform
Patreci: Michael McLain

Skolverket